

- 3) Penggunaan Logo Halal Malaysia hanya boleh dibenarkan setelah syarikat mendapat pengesahan halal daripada pihak berkuasa berwajib (Jakim atau JAIN).
- 4) Penggunaan logo halal pengisytiharaan sendiri (*Self Declaration*) dan ungkapan halal seperti 'halal', 'ditanggung halal', 'makanan orang Islam' dan lain-lain adalah dilarang jika tidak mempunyai Sijil Pengesahan Halal Malaysia (SPHM).
- 5) Bagi produk-produk import yang hendak diisytiharkan sebagai halal hendaklah menggunakan logo atau nama badan pensijilan halal luar negara yang diiktiraf Jakim di negara pengeluar masing-masing.
- 6) APD 2011 dan Perintah ini adalah tidak terhad kepada makanan sahaja tetapi termasuk produk bukan makanan dan juga perkhidmatan yang berkaitan dengan makanan atau barang-barang.

### DENDA / PENALTI

Berikut adalah tindakan yang akan dikenakan kepada sesiapa yang melakukan kesalahan di bawah Perintah Perintah Dagangan (Perakuan dan Penandaan Halal) 2011:

- a) Pertubuhan atau Perbadanan: Tidak melebihi RM200,000 (200 ribu), bagi kesalahan kedua dan berikutnya sebanyak RM500,000 (500 ribu);
- b) Bukan Pertubuhan atau Perbadanan: Tidak melebihi RM100,000 (100 ribu) atau penjara tidak melebihi 3 tahun atau kedua-duanya. Bagi kesalahan kedua atau berikutnya RM250,000 (250 ribu) atau penjara tidak melebihi 5 tahun atau kedua-duanya.



### LOGO HALAL MALAYSIA YANG DI IKTIRAF

- Bintang berbucu lapan ditengah-tengah bulatan
- Perkataan Arab "حلال" Ditengah bintang;
- Diikuti tulisan Rumi "HALAL"
- Bulatan logo tertulis perkataan "ماليزيا" dalam perkataan Arab; dan
- Dua bintang kecil berbucu lima di letakkan bagi memisahkan tulisan Rumi dan perkataan Arab

**Untuk Keterangan lanjut, sila hubungi:**

BAHAGIAN HAB HALAL  
 JABATAN KEMAJUAN ISLAM MALAYSIA (JAKIM)  
 Aras 1 & 3, Menara PJH  
 No. 2, Jalan Tun Abdul Razak  
 Presint 2, 62100 Putrajaya  
 Tel: 03-8892 5000  
 Faks: 03-8892 5005  
 www.halal.gov.my

# HALAL DALAM AKTA PERIHAL DAGANGAN 2011 (APD 2011)



إتقان بحماة وان إسلام مليسيا  
 JABATAN KEMAJUAN ISLAM MALAYSIA

**"We Care The Way We Serve"**

## PENGENALAN

Jabatan Kemajuan Islam Malaysia (Jakim), Majlis Agama Islam Negeri (MAIN) dan Jabatan Agama Islam Negeri (JAIN) adalah pihak berkuasa yang berwibawa memberi pengesahan halal terhadap pengeluar, pengilang, pengedar produk makanan/minuman, premis makanan, rumah sembelih dan logistik. Oleh itu, hanya pemegang Sijil Pengesahan Halal Malaysia (SPHM) sahaja yang layak mempamerkan logo halal Malaysia.

Bagi menjaga kepentingan orang awam, Jabatan ini turut melaksanakan pemantauan dan penguatkuasaan halal berdasarkan peruntukan undang-undang yang tertakluk di bawah Akta Perihal Dagangan 2011 (APD 2011). Terdapat 2 Perintah Perihal Dagangan yang berkaitan penguatkuasaan halal iaitu:

1. Perintah Perihal Dagangan (Takrif Halal) 2011 di bawah Seksyen 28.
2. Perintah Perihal Dagangan (Perakuan dan Penandaan Halal 2011) di bawah Seksyen 29.

## KESALAHAN MEMPERDAYA ATAU MENGELIRUKAN

Tidak dibenarkan mempamer atau menggunakan **apa-apa logo dan ungkapan halal** yang boleh mengelirukan pengguna seperti penggunaan ayat suci Al-Quran atau apa-apa objek yang berhubung dengan agama Islam sama ada di premis di mana makanan itu dijual atau pada bekas makanan yang dijual.

## TAKRIFAN HALAL

Makanan barangan atau perkhidmatan yang dikategorikan "halal" ialah:-

- a) Tidak mengandungi apa-apa bahagian binatang yang orang Islam dilarang memakannya atau yang tidak disembelih mengikut Hukum Syarak dan Fatwa;
- b) Tidak mengandungi benda-benda najis mengikut Hukum Syarak dan Fatwa;
- c) Tidak memabukkan mengikut Hukum Syarak dan Fatwa;
- d) Tidak mengandungi apa-apa bahagian atau anggota manusia atau hasil daripadanya yang tidak dibenarkan oleh Hukum Syarak dan Fatwa;
- e) Tidak beracun, atau tidak memudaratkan kesihatan;
- f) Tidak disediakan, diproses atau dikilang menggunakan peralatan yang dicemari najis mengikut hukum syarak dan fatwa; dan
- g) Tidak bersentuhan, bercampur atau berdekatan dengan binatang yang dilarang dimakan atau najis semasa penyediaan, pemprosesan atau penyimpanan.

Ungkapan halal yang tidak diiktiraf seperti 'Halal', 'Makanan ditanggung halal', 'Makanan orang Islam'.



## DENDA / PENALTI

Berikut adalah tindakan yang akan dikenakan kepada sesiapa yang melakukan kesalahan di bawah Perintah Perihal Dagangan (Takrif Halal) 2011:

### a) Pertubuhan atau Perbadanan

Tidak melebihi RM5,000,000 (5 juta) dan bagi kesalahan kedua atau yang berikutnya, didenda tidak melebihi RM10,000,000 (10 juta).

### b) Bukan Pertubuhan atau Perbadanan

Tidak melebihi RM1,000,000 (1 juta) atau dipenjarakan selama tempoh tidak melebihi tiga tahun atau kedua-duanya, dan bagi kesalahan kedua atau yang berikutnya, didenda tidak melebihi RM5,000,000 (5 juta) atau dipenjarakan selama tempoh tidak melebihi lima tahun atau kedua-duanya.

## PERAKUAN DAN PENANDAAN HALAL

Hanya Jabatan Kemajuan Islam Malaysia (Jakim) dan Jabatan Agama Islam Negeri (JAIN) yang diperakui sebagai pihak berkuasa berwibawa untuk melaksanakan pensijilan halal di Malaysia.

- 1) Pihak yang tidak diiktiraf (pengeluar sijil halal swasta) yang mengeluarkan sijil dan logo halal kepada syarikat di anggap melakukan kesalahan.
- 2) Penggunaan logo halal yang tidak diiktiraf adalah tidak dibenarkan.

## ADUAN HALAL:

Sebarang aduan kesalahan penggunaan logo halal dan takrifan halal, sila hubungi talian berikut: 03-8892 5000/5001.